



忠經



限文學
117
296



117
296

南海先生訓點

忠經正文



東都

司馬公

忠經序

忠經者蓋出於孝經也。仲弓曰：『君君臣臣父父』。而後有忠之義。則知孝者侯忠而成之。所以答君親之忠。明臣子之分。忠不可廢於國。孝不可弛於家。孝既_中有經。忠則猶闕。故述仲尼之說。作忠經焉。今皇上含苞軒之姿。藹勳華之德。彌賢俾能無遠不舉。忠之與孝。天下攸同。臣融巖野之臣。性則愚朴。沐浴德澤。其可默然。作為此經。庶少裨補。雖則辭理薄陋。不足以稱焉。忠之所存。存於勸善。

忠經序

勤善之大何以加於忠孝者哉夫定高早以章
自引詩書以明綱吾師於古易敢徒然其或異
同者爰易之宜也或對之以象其意或遷之以
就其類或損之以簡其文或益之以備其事以
忠應孝亦著爲十有八章所以洪其至公勉其
至誠信本爲政之大體陳事君之要道始於立
德終於成功此忠經之義也謹序

後漢南郡太守馬融撰

忠經正文

漢 扶風 馬融 撰

天地神明章第一

昔在至理上下一德以徵天休忠之道也天之
所履地之所載人之所履莫大乎忠忠者中
也至公無私天無私四時行地無私萬物生
人無私大亨負忠也者一其心之謂矣爲國
之本何莫由忠忠能固君臣安社稷感天地

動神明而况於人乎。夫忠興於身著於家成於國其行一焉是故一於其身忠之始也一於其家忠之中也一於其國忠之終也。則百禄至家一則六親和國一則萬人理。云惟播惟一允執厥中。

聖君章第二

維君以聖德監於萬邦自下至上各有尊也。故王者上事於天下事於地中事於宗廟以臨

於人則人化之天下盡忠以奉上也是以兢競戒慎日增其明祿賢官能式敷大化惠澤長久黎民咸懷故得皇猷丕丕行於四方揚於後代以保社稷以光祖考蓋聖君之忠也。詩云昭事上帝聿懷多福。

家臣章第三

為臣事君忠之本也本立而後化成家臣於君可謂一體下行而上信故能成其忠夫忠者

豈惟奉君忘身徇國忘家正色直辭臨難死
節已矣在乎沉謀潛運正國安人任賢以爲
理端委而自化尊其君有天地之大日月之
明陰陽之和四時之信聖德洋溢頌聲作焉
書云元首明哉股肱良哉庶事康哉

百工章第四

有國之建百工惟才守位謹常非忠之道故君
子之事上也入則獻其謀出則行其政居則

思其道動則有儀秉職不同言事無憚苟利
社稷則不顧其身上下有成故昭君德蓋百
工之忠也詩云靖共爾位好是正直

守宰章第五

在官惟明蒞事惟平立身惟清清則無欲平則
不曲明能正俗三者備矣然後可以理人君
子盡其忠能以行其政令而不理者未之聞也
夫人莫不欲安君子順而安之莫不欲富君子

教而富之篤之以仁義以固其心導之以禮
 樂以和其氣宣君德以弘大其化明國法以
 至於無刑視君之人如觀乎子則人愛之如
 愛其親蓋守宰之忠也詩云豈第君子民之
 父母

北人章第六

天地泰寧君之德也君德昭明則陰陽風雨以
 和人賴之而生也是故祗在上如之法度行孝

第於其家服勤稼穡以供
 也書云一人元良萬邦以貞

政理章第七

夫化之以德理之上也則人日遷善而不知施
 之以政理之中也則人不得不為善懲之以
 刑理之下也則人畏而不敢為非也刑則在
 省而中政則在簡而能德則在博而久德者
 為理之本也任政非德則薄任刑非德則殘

故君子務於德，修於政，謹於刑，固其忠以明其信，行之匪懈，何不理之人乎？詩云：敷政優優，百禄是適。

武備章第八

王者立武以威四方，安萬人也。淳德布洽，戎夷稟命，統軍之帥，仁以懷之，義以厲之，禮以訓之，信以行之，賞以勸之，刑以嚴之，行此六者，謂之有利，故得師盡其心，竭其力，致其命，是

以攻之則克，守之則固，武備之道也。詩云：赳武夫，公侯干城。

觀風章第九

惟臣以天子之命出於四方，以觀風聽，不可以不聽視，不可以不明聰，則審於事，明則辨於理，理辨則忠事審，則分君子去其私，正其色，不害理以傷物，不憚執以舉任，惟善是與，惟惡是除，以之而防則有成，以之而出則無怨。

夫如是則天下敬職萬邦以寧詩曰載馳載
驅周爰諮諏

保孝行章第十

夫惟孝者必貴於忠忠苟不行所率由非其道
是以忠不及之而失其守匪惟危身辱及親
也故君子行其孝必先以忠竭其忠則
至矣故得盡愛敬之心以養其親施及於人
此之謂保孝行也詩云孝子不匱永錫爾類

廣爲國章第十一

明主之爲國也任於正去於邪邪則不忠
必正有正然後用其能是故師保道德股肱
賢良內睦以文外戚以武被服禮樂隄防政
刑故得大化興行蠻夷率服人臣和悅邦國
平康此君能任臣下忠上信之所致也詩云

古濟濟多士文王以寧

廣至聖章第十一

廣至理章第十二

古者聖人以天下之耳目為視聽天下之心為
 心端旒而自化居成而不有斯可謂致理也
 已矣王者思於至理其遠乎哉無為而天下
 自清不疑而天下自信不私而天下自公賤
 珍則人去貪徹侈則人從儉用實則人不偽
 崇讓則人不爭故得人心和平天下淳質樂
 其生保其壽優游聖德以為自然之至也詩
 云不識不知順帝之則

景揚聖章第十三

君德聖明忠臣以榮君德不足忠臣以辱不足
 則補之聖明則揚之古之道也是以虞有德
 咎繇歌之文王之道周公頌之宣王中興吉
 甫諫之故君子臣於盛明之時必揚之盛德
 流滿天下傳於後世其忠矣夫

大辨忠章第十四

大哉忠之為用也施之於邇則可以保家邦施之於遠則可以極天地故明主為國必先辨忠君子之言忠而不佞小人之言佞而似忠非聞之者鮮不惑矣夫忠而能仁則國德彰忠而能知則國政舉忠而能勇則國難清故雖有其能必由忠而成也仁而不忠則私其恩知而不忠則文其詐勇而不忠則易其亂是雖有其能以不忠而敗也此三者不可不辨也書云旌別淑慝其謂是乎

忠諫章第十五

忠臣之事君也莫先於諫下能言之上能聽之則王道光矣諫於未形者上也諫於已彰者次也諫於既行者下也邇而不諫則非忠臣夫諫始於順辭中於抗議終於死節以成君休以寧社稷書云木從繩則正后從諫則聖

證應章第十六

惟天監人善惡必應善莫大於作忠惡莫大於
不忠忠則福祿至焉不忠則刑罰加焉君子
守道所以長守其休小人不常所以自陷其
咎休咎之徵也不亦明哉書云作善降之百
祥作不善降之百殃

報國章第十七

為人臣者官於君先後光慶皆君之德不思報
國豈忠也哉君子有無祿而益君無有祿而

已者也報國之道有四一曰貢賢二曰獻猷
三曰立功四曰興利賢者國之幹猷者國之
規功者國之將利者國之用是皆報國之道
惟其能而行之詩云無言不酬無德不報况
忠臣之於國乎

盡忠章第十八

天下盡忠淳化行也君子盡忠則盡其心小人
盡忠則盡其力盡力者則止其身盡心者則

九
法於遠故明王之理也務在任賢賢臣盡忠
天則君德廣矣政教以之而美禮樂以之而興
刑罰以之而清仁惠以之而布四海之內有
太平音嘉祥既成告于上下是故播於雅頌
傳於無窮


忠經 終
三曰古之所謂忠者非謂其言不情其行不義
其言不情其行不義其言不情其行不義
其言不情其行不義其言不情其行不義
其言不情其行不義其言不情其行不義

吾黨有童子志學者則授忠孝次必
以忠矣蓋天下無父及子之人亦率土
之濱莫非王臣之故也孝既者
經也其經則在於孝孝長子民故
撰孝經作為忠經亦著於十八音
本於今文也必矣而辭詳義備焉

豈論ニ之レ者ニ。差ヲ哉ニ。此ニ。南海先生ノ。余レ工ニ彫レ釋ニ之意也。且ツ夫ハ自ヨリ人民ノ在ル。為メ國ヲ美シ。民政ニ信ニ本ニ乎ニ。此ニ世ニ々ニ。學ニ之レ。從事ニ存レ經ニ之レ條也。沈ニ潛ニ此ニ。經ニ。庶ニ幾ニ不レ違レ乎ニ。之レ。遂ニ述ニ。修ニ之レ。指ニ焉ニ。若シ夫ハ者ニ。曰ク。官ニ文ニ。子ハ不レ子ニ。則チ吾ハ未レ見ル。之レ。為ス。

人ハ也ハ。一ハ乃チ百ニ。稱ニ是ニ道ニ。聿ニ懷ニ之レ。多ク福ニ。貫レ忠ニ矣ニ。夫ハ亦チ唯ニ。先生ノ教ニ之レ意也。延享二年己丑之春。

南部 富坂鱗子龍謹跋



延享二年己丑之春

正統二年

正統二年

正統二年

正統二年

正統二年

正統二年

正統二年

寶曆二年四月



